

Bosna i Hercegovina
Federacija Bosne i Hercegovine
Kanton Sarajevo
Općina Trnovo
**JU Osnovna škola „Zaim Kolar“
Dejčići**



Bosnia and Herzegovina
Federation of Bosnia and Herzegovina
Sarajevo Canton
Municipality of Trnovo
**Elementary school „Zaim Kolar“
Dejčići**

Broj: 01-2-133/20

Datum: 27.2.2020. godine

Na osnovu člana 100. stav 3. Zakona o javnim nabavama („Službene novine BiH“, broj: 39/14), a povodom žalbe ponuđača Lala i Laćo d.o.o. Bijeljina na Odluku o izboru najpovoljnijeg ponuđača broj 01-2-91/20 od 07.02.2020. godine, direktor JU Osnovne škole „Zaim Kolar“, na Preporuku komisije za javnu nabavku izabranu Odlukom broj: 01-2-84/20 od 04.02.2020. godine, donosi

ODLUKU

***o djelomičnom usvajanju žalbe i poništenju postupka javne nabavke hrane, pića
i srodnih proizvoda za školu u prirodi u Šabićima***

Član 1.

Djelomično se usvaja žalba ponuđača Lala i Laćo d.o.o. Bijeljina, zastupanog po advokatu Grozdi Đukić iz Bijeljine, na Odluku o izboru najpovoljnijeg ponuđača broj 01-2-91/20 od 07.02.2020. godine u postupku javne nabavke hrane, pića i srodnih proizvoda za školu u prirodi u Šabićima.

Poništava se postupak javne nabavke hrane, pića i srodnih proizvoda za školu u prirodi u Šabićima za koji je na Portalu javnih nabavki objavljeno Obavještenje o nabavci broj 3011-1-1-3-1/20 dana 16.1.2020. godine.

Usvaja se zahtjev žalioca za naknadu troškova sastavljanja žalbe.

Član 2.

Ova Odluka objavit će se na web stranici Ugovornog organa www.oszk.edu.ba, sa istovremenim upućivanjem svim ponuđačima koji su učestvovali u postupku javne nabavke shodno članu 70. stav 6. Zakona o javnim nabavkama („Službene novine BiH“, broj: 39/14).

Član 3.

Ova Odluka stupa na snagu danom donošenja.

Obrazloženje

Postupak javne nabavke hrane, pića i srodnih proizvoda za školu u prirodi u Šabićima pokrenut je Odlukom o pokretanju postupka javne nabavke broj 09-3-20/20 od 13.01.2020. godine. Javna nabavka je provedena putem otvorenog postupka za dostavu ponuda. Procijenjena vrijednost nabavke hrane, pića i srodnih proizvoda za školu u prirodi u Šabićima iznosi: 110.000,00 bez PDV-a.

Obavještenje o nabavci objavljeno je na Portalu javnih nabavki dana 16.1.2020. godine pod brojem 3011-1-1-3-1/20, a Sažetak obavještenja o nabavci objavljen je u „Službenom glasniku BiH“ broj 5, od 24. 01. 2020. godine.

Bosna i Hercegovina
Federacija Bosne i Hercegovine
Kanton Sarajevo
Općina Trnovo
**JU Osnovna škola „Zaim Kolar“
Dejčići**



Bosnia and Herzegovina
Federation of Bosnia and Herzegovina
Sarajevo Canton
Municipality of Trnovo
**Elementary school „Zaim Kolar“
Dejčići**

Iz zapisnika o otvaranju ponuda vidljivo je da je Komisija za javnu nabavku dana 05.02. 2020. godine u 10,30 sati izvršila javno otvaranje blagovremeno pristiglih ponuda sljedećih ponuđača: Vega-pak d.o.o. Hadžići i Lala i Laćo d.o.o. Bijeljina.

Nakon pregleda ponuda Komisija za javnu nabavku je napravila listu prihvatljivih ponuđača u postupku javne nabavke hrane, pića i srodnih proizvoda za školu u prirodi u Šabićima, kako slijedi:

1. Vega-pak d.o.o. Hadžići
2. Lala i Laćo d.o.o. Bijeljina

Na osnovu preporuke Komisije za javnu nabavku donesena je Odluka o izboru najpovoljnijeg ponuđača, izvršena u skladu sa Zakonu o javnim nabavkama, primjenom kriterija ekonomski najpovoljnija ponuda, kojom je izabrana ponuda ponuđača Vega-pak d.o.o. Hadžići broj: 01-03-02/20 od 03.02.2020. godine, ukupan broj bodova ponude je 99,37, za ponuđenu cijenu **108.655,27 KM** bez PDV-a, i rok plaćanja 40 dana kao najbolje ocijenjenom ponuđaču.

Odluka o izboru, broj 01-2-91/20 od 07.02.2020. godine je u zakonom predviđenom roku dostavljena ponuđačima koji su sudjelovali u postupku javne nabavke zajedno sa zapisnikom o ocjeni ponuda, te je objavljena na web stranici Škole.

Ponuđač Lala i Laćo d.o.o. Bijeljina je dana 12.02.2020. godine podnio zahtjev za uvid u ponude ponuđača Vega-pak d.o.o. Hadžići i Lala i Laćo d.o.o. Bijeljina.

Uvid u ponudu ponuđača Vega-pak d.o.o. Hadžići izvršen je od strane ovlaštenog predstavnika ponuđača Lala i Laćo d.o.o. Bijeljina, dana 19.02.2020. godine u prostorijama JU Osnovne škole „Zaim Kolar“ Dejčići o čemu je sačinjen Zapisnik o izvršenom uvidu u ponudu ponuđača Vega-pak d.o.o. Hadžići.

Dana 24.02.2020. godine Ugovoreni organ je zaprimio žalbu ponuđača Lala i Laćo d.o.o. Bijeljina upućenu od strane punomoćnika advokata Grozde Đukić iz Bijeljine na Odluku o izboru najpovoljnijeg ponuditelja broj 01-2-91/20 od 07.02.2020. godine.

Prije nego se upustio u meritorno rješavanje odlučivanja po izjavljenoj žalbi, Ugovorni organ je pristupio provjeri formalno pravnih pretpostavki za ulaganje žalbe, a koje moraju biti ispunjene na strani žalitelja kako bi se uopće pristupilo njenom rješavanju, te je utvrdio da je ista izjavljena blagovremeno, dopušteno i od strane ovlaštenog lica, zbog čega je moguće dalje postupati po njoj.

U svojoj žalbi ponuđač Lala i Laćo d.o.o. Bijeljina navodi sljedeće:

Nakon obavljenog uvida i provjere ponude izabranog ponuđača Vega-pak d.o.o. Hadžići, ponuđač Lala i Laćo d.o.o. Bijeljina smatra da ista nije u skladu sa postavljenim zahtjevima u tenderskoj dokumentaciji, i ulaže žalbu kojom pobija Odluku o izboru najpovoljnijeg ponuđača broj 01-2-91/20 od 07.02.2020. godine kao nezakonitu i navodi sljedeće:

- *Da ponuda ponuđača Vega-pak d.o.o. Hadžići nije popunjena u skladu sa zahtjevima koji su postavljeni u tenderskoj dokumentaciji. U Obrascu za cijenu ponude - Aneks 2 koji je dostavio izabrani ponuđač vršene su izmjene i to kod*



stavke 10. „Mješano povrće“ dopisano je „450 g“, dok je kod stavke 13. „Vegeta-začin 800 g“ dopisano „1/1“

Komisija za javne nabavke je ponovnim uvidom u ponudu ponuđača Vega-pak d.o.o. Hadžići konstatovala da je ponuđač Vega-pak d.o.o. Hadžići dopisao gore navedeno te da je navod iz žalbe je osnovan.

- *Ponuđač Lala i Laćo d.o.o. Bijeljina navodi da pismena izjava iz člana 52. Zakona o javnim nabavkama BiH nije ovjerena kod nadležnog organa uprave niti je potpisana i pečatirana od stavne samog ponuđača.*

Komisija za javne nabavke je ponovnim uvidom u ponudu ponuđača Vega-pak d.o.o. Hadžići utvrdila da izjava iz člana 52. Zakona o javnim nabavkama BiH nije ovjerena kod nadležnog organa ali je potpisana i pečatirana od strane samog ponuđača, te je navod iz žalbe djelimično osnovan.

- *Ponuđač Lala i Laćo d.o.o. Bijeljina navodi da je izabrani ponuđač izjavu o roku plaćanja nije ovjerio kod nadležnog organa.*

Komisija za javne nabavke je ponovnim uvidom u ponudu ponuđača Vega-pak d.o.o. Hadžići utvrdila da je izjava o roku plaćanja – Aneks 8 potpisana i pečatirana od strane ponuđača ali nije ovjerena kod nadležnog organa, te se navod iz žalbe osnovan.

- *Ponuđač Lala i Laćo d.o.o. Bijeljina navodi da Nacrt okvirnog sporazuma nije ovjeren od strane izabranog ponuđača Vega-pak d.o.o.*

Komisija za javne nabavke je ponovnim uvidom u ponudu ponuđača Vega-pak d.o.o. Hadžići utvrdila da je Nacrt okvirnog sporazuma potpisan i ovjeren od strane ponuđača Vega-pak d.o.o. Hadžići, te navod iz žalbe nije osnovan.

Slijedom navedenog ugovorni organ je žalbu ponuđača-žalitelja ocijenio kao djelomično osnovanu, pa je iz gore navedenih razloga, a u skladu sa članom 68. stav 4 tačka (i) Zakona o javnim nabavkama, ponuda ponuđača Vega-pak d.o.o. Hadžići ocijenjena kao neprihvatljiva.

Ugovoreni organ je došao do saznanja da je protiv Milivoja Stanivukovića kao ovlaštenog lica firme Lala i Laćo d.o.o. Bijeljina vođen krivični postupak zbog počinjenog krivičnog djela zloupotreba u postupku javne nabavke iz člana 250. stav 1. KZRS, pod brojem predmeta 80 0 K 101681 19 K, koji je okončan osuđujućom presudom 06.03.2019. godine, a pravosnažna je od 26.03.2019. godine.

Uvidom u ponudu ponuđača Lala i Laćo d.o.o. Bijeljina utvrđeno je da je Milivoje Stanivuković ovlašteno lice bez ograničenja ovlaštenja i da je isti dao i potpisao Pismenu izjavu iz člana 52. Zakona o javnim nabavkama.

Obzirom da je navedenom presudom i krivičnim djelom, dokazano svjesno izvršenje i namjera izvršenja teškog profesionalnog prekršaja predviđenog članom 45. stav 5 Zakona o javnim nabavkama BiH („Službene novine BiH“ broj: 39/14), te su se stekli zakonski uvjeti da i ponuda ponuđača Lala i Laćo d.o.o. Bijeljina bude neprihvatljiva.

Bosna i Hercegovina
Federacija Bosne i Hercegovine
Kanton Sarajevo
Općina Trnovo
**JU Osnovna škola „Zaim Kolar“
Dejčići**



Bosnia and Herzegovina
Federation of Bosnia and Herzegovina
Sarajevo Canton
Municipality of Trnovo
**Elementary school „Zaim Kolar“
Dejčići**

Imajući u vidu da niti jedan ponuđač nije dostavio ponudu u skladu sa zahtjevima i kriterijima iz tenderske dokumentacije, Ugovorni organ je na osnovu Preporuke komisije za javne nabavke odlučio da se poništava postupak javne nabavke hrane, pića i srodnih proizvoda za školu u prirodi u Šabićima za koji je na Portalu javnih nabavki objavljeno Obavještenje o nabavci broj 3011-1-1-1-3-1/20 dana 16.1.2020. godine.

Iz prethodno navedenih razloga odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi (URŽ), putem ugovornog organa u roku od pet (5) dana od dana prijama Odluke.



Direktor škole

Adis Hodžić
Adis Hodžić

Dostaviti:

- Advokatu Grozdi Đukić - punomoćnik društva Lala i Laćo d.o.o. Bijeljina
- Lala i Laćo d.o.o. Bijeljina
- Vega-pak d.o.o. Hadžići
- na web stranici
- a/a